

12 71
ORATIO MAGNI
FICI D. BARTHO
LOMAEI COMITIS
PVRLILIARVM ET
BRVGNARIAE,
DIE CINERVM IN
CAPELLA SAN
CTISS. D. N.
HABITA.

ANNO 1562.



VI inanis gloriæ cupidi,
beatissime Pater, se litera-
rum studijs toto tradide-
rūt, vt inde præclarissima
ingenij monumenta pro-
mētes, immortalis sibi no-
minis famā compararent, cibo se plerunq;
abstinere consueuerunt, hanc ob causam,
ne suauitate sensus delinitus animus ab his
abduceretur, quæ vt summo labore acqui-
runtur, sic maximam apud omnes admira-
tionem excitant: sed qui veræ & æternæ
gloriæ sunt studiosi, & sapientiā illā sequū-
tur, quæ hominibus res humanas contem-
nētibus & piè ac sanctè viuētib⁹ immortalitatem tribuit, ventri minimè indulgere
solent, vt abstinentia (virtute nobilissima)
eas corporis effrenatas voluptates (malorum
escas) quæ ex immoderata viuendi li-
centia oriuntur & crescunt, fugiant. Ad-
nirandū sanè remedium, quo cupiditates,

A ij quæ

quæ nobiscum natæ & nutritæ sunt, moderemur, quo minus nobis impedimēto sint, ne animos attollere, & diuina contemplari possimus. Hoc Christianæ Reip. salutare remedium, hoc præceptum fructuosissimū exhibet hodierno die sancta mater Ecclesia, nosq; ad ieiunium hortatur, hoc est, ad corporis luxum, grauissimū animæ morbum tollendum, ad oculos in Deum rerum omnium auctorem dirigendos: idq; dum singulis annis facit, curam salutis nostræ se habere ostendit, ne pertinaciæ atq; incontinentiæ, vbi ex hac vita decesserimus, poenas luamus. Nūc ieiunij & abstinentiæ fructus breuius quàm possum explico, vt sanctæ matris Ecclesiæ pietas agnoscatur. Inter omnia quæ miserrima primo illi humani generis parenti contigerunt postquam Dei Opt. Max. mandata neglexit, illud in primis fuit, vt continuò inter se caro animaq; pugnarent, neq; altera alteræ,

râ, nisi vi coacta parêret : quod quidem eo
magis miserandum fuit, quòd ad omnem
posteritatem tanta peruenit calamitas, pe-
riculosum, imò potius horribile prælium,
in quo vt innumerabiles (proh dolor) ceci-
derunt & cadunt, sic pauci Christum du-
cem agnoscentes, & matri Ecclesię paren-
tes insignem & gloriosam victoriam sunt
cōsecuti. Sensit hoc bellum diuino numi-
mine afflatus Paulus, cum aliam legem in
membris suis cū Dei lege dimicare quere-
batur, & se miserum appellabat: quo sanctis-
simi viri testimonio, quantopere sit exitus
prælij timendus agnoscimus. Verum si ex
his alterum vincere debet, reliquum infir-
mum & imbecillum reddatur necesse est.
Fauet igitur spiritui qui Deo placere ex-
optat: vincat animus, triumphet immorta-
le, & corruat corpus, pereatq; mortale, nō
vt omittatur, sed vt gloriosius quandoq;
assumatur. Hoc saluator ipse nos docuit,

A iij hoc

hoc nobis documentum Deo accepti viri
reliquerunt. Sed si homines auxilium spi-
ritui ferre volūt, corporis primum delecta-
tiones amouere, & animi mollities eijcere
studeant, ex quibus, veluti à fontibus, vitia
omnia & scelestæ quæq; facinora originem
trahūt. Namq; quid est quod animam per-
turbat, quod mentem deprimit, quod cor
hominum ambitione inflamat, quod
ignauia nebulam spargit, quod in homini-
bus libidinum ardores excitat, quod pudor-
em tollit, nisi luxus, nisi carnis oblectatio-
nes. Illæ, illæ ipsæ, vt Sirenes cantu, fūco &
pigmētis illitæ mortales ad perniciē allici-
unt: his Respub. his Regna, his Imperia pe-
rierunt. Has furias abstinentia domandas
sanctissimi viri existimarunt. Hæc est, Pa-
ter sanctissime, virtus, quæ animam purgat,
mentem subleuat, corpus spiritui subijcit,
homines humiles reddit, inscitia tenebras
dissoluit, & pudicitia lumen accendit. O
reme-

remedium admirandum & planè diuinū ,
quo caro domesticus, idemq; perniciosus
inimicus deprimitur, & eodem tempore
attollitur animus. Hoc ipsum munus, cœli
& terræ moderator & bonarū rerū omniū
auctor Christe, tibi acceptum referimus,
quādoquidem pro summa tua benignitate
illo coram mortalium oculis, vt nobis præ-
beres exemplum, vsus es. Tibi verò Pont.
Max. quod illud idem in hunc vsq; diem
obseruari imperas, & tempora aptè atq; ac-
cōmodè ex veteri instituto disponis, mul-
tum etiam debemus. Nam huic præcepto
parentes multi vrbes, nonnulli diuitias, ple-
riq; honores apud veteres reliquerunt, &
deserta loca atq; antra habitarunt, vt vni-
co, & eo per paucos cibos contenti, has cor-
poris voluptates penitus expellerent, &
diuina beneficia cogitantes & comme-
morantes immortalitatem cōsequerentur.
Multi tranquillitatē animi sobrietate & ie-
iu-

iunio sibi parauerūt. Quemadmodū enim
epulis libidines excitantur, & malæ cogita-
tiones, & prauæ cupiditates nascuntur, qui-
bus in hoc si non vasto, profundo tñ vitæ
pelago veluti fluctibus iactantur hoīes, ita
abstinentia frigent ardores illi, cessant ven-
ti, & tranquillitas maxima comparatur.
Verū enim uerò quæ deuicta carne sit
pax, quis cōquiescēte procella sit status, la-
tet neminē: oīa pacata, oīa libera cōspiciū-
tur: iā mēs ipsa vt pugnae præmiū & pal-
mam accipiat, non voluptatibus impedita,
non illecebris detenta ad cælum, ad diuina
tendit, quò prius mollis nimium se ipsam
attollere nec audebat, nec poterat. Quo-
circa Moyse ille Deo charissimus, idemq;
diuina visione felicissimus, antequam acci-
peret legem, quadraginta dierum spatio ie-
iunus fuit, & Daniel priusquam diuina con-
templaretur, viginti quinque diebus se à suau-
cibo abstinuit. Nostis quid hæc significēt?

Do-

Docent arcana illa Dei non intelligi, non
percipi dum voluptatibus indulgemus, dū
corpori tanquam tyranno seruimus, dum
prælium committitur: sed tantummodo cū
receptui tubæ canunt, & caro victrice ab-
stinencia iacet. O nos felices, si iussibus Ec-
clesiæ hodierno die paruerimus, & inter
eos adnumerari voluerimus, qui contra vo-
luptates & sensuum oblectamenta sumunt
arma. Licet enim in initio cum gloriosis-
simo viro aliquis nostrum se miserū ob tale
tantumq; bellum existimauerit, tandem ali-
quando parta victoria cum eodem rerum
omnium Principe, & Christianæ Reipub.
Imperatore humanam infirmitatem adiu-
uante exclamabit, cupio dissolui, & esse cū
Christo. Nulla vtor amplificatione: ine-
ptū est de rebus sacris agentē ingenij & elo-
quentiæ famam aucupari: vsus quos affert
ieiunium tantummodo cōmemoro. Pro-
dest corpori: cū illud ab ægritudinibus de-
B fendat,

fendat: prodest animo, cum ei ad cælū pro-
grediendi impedimenta amoueat: confert
singulis, dum incolumitatis est causa: con-
fert Reipub. Christianæ, & præsertim egē-
tibus, dum eisdem vberius alimenta impar-
tiuntur: beatos verò cunctos unà reddit, dū
pellitur luxus, eriguntur mentes, & quod
maius est, remittuntur delicta. Testis esse
potest vrbs illa Niniuitarum, quæ cum ei
euerſionem minaretur Deus Opt. Max.
fletu & abſtinentia (discite mortales, quales
ſint hominum ieiunorum preces) rerum
omnium Parentem iratum mitigauit, &
dexteram illam, quæ cælum terramq; re-
git, ad eius perniciem paratam, placidam
ſibi lenemq; reddere potuit. Testis eſt ho-
dierno die vir plenus Spiritu ſancto, qui
ſaluatoris noſtri mentem aperiendo excla-
mat, Conuertimini ad me in ieiunio, & fle-
tu, & planctu: vt nobis ſignificet his præci-
pue diuinam iram placari. Sed omittantur
cætera

cetera omnia, quid est quod tantam habeat
vim, quàm vox illa (quæ utinam singulis
diebus mortalium auribus circumsonaret)
Memento homo quia cinis es, & in cinerē
reuerteris. Nam si sæpe animo voluerimus
hanc esse immutabilem naturæ legem, ut
omnia orta occidant, & tanquam fumus
vel umbra prætereant, qua ratione fieri po-
terit, ut in huius vitæ curriculo non ita ver-
semur, quasi singulis horis in alium locum
simus migraturi. Omnia sunt cinis, & in ci-
nerem reuertuntur. Vrbes, quæ iam diu
floruerūt, Athenæ, Carthago, Corinthus,
regna Medorum, Persarum, Macedonū,
imperia Græciæ, Romanum illud terrarū
orbi æquatum cōciderunt: non doctis ho-
minibus volumina conscripta, non exer-
citibus clades, non populis bella, non duci-
bus victoriæ, non imperatoribus triumphī
profuerunt, quin perierunt, & miserrimi,
quemadmodum etiam obscurissimis acci-

dit, cineres sint facti. Nos tantummodo,
nos inquam, quibus veritatem cognoscere
datum est, longiorem vitam quàm vrbes,
quàm regna, quàm imperia viuere poterim
us, si veniam delictorum à Deo obtinue
rimus. Quod quidem facilè assequemur, si
mentem à sceleribus, à malis cogitationi
bus, à prauis cupiditatibus custodierimus,
& abstinencia ac ieiunio luxum & incon
tinentiam sustulerimus: & ita conuersi eri
mus ad Dominum: tunc enim & ipse (sicuti
scriptum est) ad nos conuertetur. Paucis vt
multa complectar, si Christum sectari, si
sanctissimos viros imitari, si Ecclesiæ parê
re, si postquam cinis semel fuerimus, im
mortales fieri volumus, conuiuia desera
mus, immoderatum ciborum vsum omit
tamus, & ieiunio cōuertamur ad Dominũ.
Quod sanè hoc potissimũ tempore facien
dum est, quo satis, superq; voluptatibus in
dulsimus, & humiles atq; ieiuni exemplo
his

his esse poterimus, qui mandatis Dei, & matris Ecclesiæ aduersantur: quos quidem ut mira tua, Pie Pont. Max. sapientia & feruens charitas ad sanctum ouile perducere studet, sic fortasse rectè hominum institutę vitę ratio eos quàm maximè commouere poterit, & iam te vniuersalis Ecclesiæ summum moderatorem agnoscendo humillimi tibi assistent, ut iustissimis sanctionibus morem gerant, & sanctissimis tuis pedibus affigant oscula.

DILINGÆ EXCVDEBAT
SEBALDVS MAYER.

